



Tir Yimiyim

www.tirymiyim.in

Regd. No. RNI. NAGAAO/2004/13113. Postal-NE/RN-717.

e-mail : tirymiyim@gmail.com

TAPAK 7

Yangia anidakangma :

f Tir Yimiyim

Instagram tirymiyim@aolima

YouTube tir yimiyim

TAPAK 6



Bangladesh tir inyaksü
Shahabuddin-i tenangzüktep agiogo



Arunachal Pradesh ya India
shilem ka lir: Lt Gen RP Kalita

VOL. XX NO. 192 (ADOK 192) DIMAPUR SANGTENNÜ (TUESDAY)

RONGCHII (APRIL) 25, 2023

₹ 5.00

India nung nisung 7,178 dak Covid putet

New Delhi, April 24, 2023 (Agencies): Hombarnep 8:00 ako tashi taoba ghonda 24 tsungda India nung nisung 7,178 dak Covid-19 putetogo ta Union health ministry-i metetdaksü.

Tang linük nung Covid-19 puteta anepalur nisung 65,683 lir ta parnoki ashi.

Kasa mapang tsungda Covid-19 puteta alir nisung 16 asü aser parnok zungsema tasür

ajak agi 5,31,345 kümogo ta ministry-isa metetdaksüogo.

India nung Covid-19 nung nisung 4,43, 01,865 taneptsü nguogo aser Covid vaccine indang dose 220.66 crore agütsüogo ta Union health ministry-isa ashi.

April 23 anepdang 8:00 ako tashi nung nisung 10,112 dak COVID-19 puteta liasü. Kasa mapang tsungda Covid-19 puteta alir nisung 29 asü.

Manipur nung Youth Affairs and Sports indang national conference agir

Imphal, April 24, 2023 (Agencies): Hombar nungi Imphal nung Ministers of Youth Affairs and Sports indang National Conference tenzükogo.

State aser Union Territory balala nungi Ministers tem iba sentong nung adener aser Mongulbar mü tebangsü.

Tanü sentong nung tongti tesemdangjerji Union Minister of Youth Affairs and Sports Anurag Singh Thakur liasü aser Centre o state sorkartem longjemer linük nung saisapongbaren ajungkettsü ayongzük.

Iba sentong tetenzüklen Prime Minister Narendra Modi indang video message tatsüka sayu aser idangji pai northeast state tem aser talisa Manipur-i saisapongbaren shilem tajung agiba indang ashi.

"Ministry of Youth Affairs and Sports, Government of India-i Manipur kübok district 15 nung Khelo India Centres 32 lapoktsü mulunga agizükba atema pelar" ta Manipur Chief Minister N Biren Singh-ia o jembidang ashi. Archery, Hockey aser

Weightlifting indang Khelo India State Centre of Excellence kobi melii lapoktsü ta pai ashi.

Manipur nung National Sports University (NSU) renemer aser iba ajanga India nung saisapongbaren tarutsü tajungba kümdaktsütsü. State sorkari akokba tashi saisapong sobaliba aser saisapongertem ajungkettsü meranger ta CM Biren-isa ashi.

Iba sentong nung Punjab Governor aser Chandigarh Union Territory Administrator Banwarilal Purohit, Minister of State for Youth Affairs and Sports (YAS), Government of India Nisith Pramanik, state aser union territory balala nungi YAS Minister tem, secretary (Sports) and secretary (Youth Affairs), Chief Secretary, Manipur aser tongti ketdangsurtem aden.

Iba mungdang nung Yuva Portal, National Youth Festival, Khelo India, Government of India Schemes, Sports Sector, Sports Governance aser tanga onüktem benoka lemsateptsü.

Manipur nung BJP MLA pezübuba mapa nungi anen

Imphal, April 24, 2023 (Agencies): Manipur nung BJP MLA Khwairakpam Raghupati Singh-i Manipur Renewable Energy Development Agency (MANIREDA) indang chairman menden nungi anenogo aser iba ajanga state BJP atema khuret talila ka bentsür aruogo.

Raghupati Singh ya Manipur CM Biren Singh-i lemzüktsüba mapa toktsür BJP MLA pezübuba lir.

April 20 nü MLA P Brojen Singh-i Manipur Development Society indang chairman mapa nungi anena liasü.

Brojen ya Wangjing Tentha Assembly constituency nungi MLA lir aser pai 'personal grounds' nung ajemdaker chairman mapa nungi anener ta shidi nung shia liasü.

Manipur nung MLA kar New Delhi nung mongdar aser parnoki Central lennirtem dang state lenisüba dak temulung masüba tebilembatem lemsateper. MLA

teimba ka Kuki nung lir.

BJP MLA Thokchom Radheshyam-ia Chief Minister N. Biren Singh indang advisor mapa nungi anena liasü.

"Manipur nung peii bilemba ama dang inyaksangshir lenisüba lir aser iba ajanga MLA aika mepelar. Asenoki tashishitsü maket inyaknura, asenoki inyakba, jembiba aser bilemba ajak kasa dang asütsüla" ta Radheshyam-ia ashi.

Ano, BJP MLA Karam Shyam-ia April 17 nü Tourism Corporation indang chairman menden nungi anen.

"State sorkar nung senior leadership-i külem inyakerkem kasa ama mezüngshir aser lennir kati külemi inyakerkem amokmerenba magizüker" ta Shyam-ia ashi.

CM Biren-i par constituency nung historical site ka renlokdaktsütsü nangzük saka iba mapa inyaksü mepishiba magizük ta Shyam-isa ashi.

Nagaland nung mezüngbuba Medical College lapoktsü

Kohima, April 24, 2023 (TYO): Nagaland nung mezüngbuba Medical College lapoktsü atema National Medical Council (NMC)-i temelaba agütsüogo.

Hombarnü NMC-i Nagaland Institute of Medical Sciences & Research (NIMSAR), Phirebagie, Kohima village lapoktsü temelaba agütsü liasü.

NMC-i academic year 2023-2024 atema Nagaland medical college nung MBBS menden 100 agütsü temelaba agütsüogo.

National Medical Council (NMC) Act, 2019 nung u/s 26(1)(a)(b) aser 28(1)(2) kübok MBBS course agütsü ta Medical Assessment & Rating Board (MARB)-i shia lir.

MARB-isa college ketdangpurtem dang first batch admission asüdag Indian Medical Council Act nung

section 35(2) kübok recognition atema inyaksü tetuyuba agütsüogo.

NIMSAR indang Dean aser rejui academic year piyong physical aser human resource infrastructure atema teinyaksü ajak shitak inyaksüla ta MARB-isa metetdaksüogo.

MARB nungi temelaba angutsü atema kulikaket tiyazü/ tai amshiba putetra mesüra academic year tsungda ajungbena semdangdang metokmeperi kar ajitetra reju nem degree agütsütsü atema recognition masütsü ta NMC-ia ashi.

"Ibala mesükba ken o kar danga adokra taküm academic year atema letter of permission meyipa agütsü. NMC-i Dean aser medical college dak ozüng agi melaba mapa inyaksü" ta parnokisa ashi.

Iba reju nung biometric attendance inyakyim tenzüktsüla aser medical college/institution indang website nung college, courses offered, faculty available and their experience of the last 5 years, students joined aser affiliating university indang osang tabensa alitsüla, ta NMC-isa metetdaksüogo.

Medical college-isa hospital services, facilities available, equipment in each speciality aser outpatient and inpatient census (municipal/government records nung aliba births and deaths) dena sayutsüla, ta NMC-isa ashi.

April 19, 2023 nü Health and Family Welfare Minister P. Paiwang Konyak den Commissioner & Secretary HFW Y. Kikheto Sema nati NMC indang MARB ajanga "Letter of Intent" agütsüba osang metetdakja liasü.

Muslim nung nungersüng arenbaya 'time bomb' ka lir: Pravin Togadia

Guwahati, April 24, 2023 (Agencies): Assam nung Muslim nung nungersüng yongsük teimba akümba atema tebilemsü abenerr aser iba ajanga Hindu nung dak kongshitsü ta Antarashtriya Hindu Parishad tir Pravin Togadia-i tawa tu jembiba atema ashishitep ken o ka adoka lir.

Assam kübok Chirang district nung Rashtriya Bajrang Dal-i Hindu sammelan ka ayongzüka agidang Togadia-i iba olen jembiba liasü.

Linük nung aser talisa Assam nung Muslim nung nungersüng

yongsük teimba akümba ya "time bomb" ka lir aser iba ajanga Hindu nung kidang auyatsü aser takütem samatsü, ta Togadia-i ashi.

"Muslim nung nungersüng teimba akümba ya ticking time bomb ka ama lir aser asen yimtsüngtem, linük aser Assam nung mashii mapang ka nung apoktsü. Muslim nung nungersüng arenba ya mazüokra Hindu nung ki dang nungi auyatsü aser Hindu nung tepsettsü akok" ta paisa ashi.

"Iba time bomb azüoktsüla

aser ibaji state o centre sorkar jenjangtem nung population control laws yanglutsüla" ta paisa shisem.

Assam nung Muslim nung nungersüng arenba ajanga Hindu nung kidang nungi auyatsü anungji state sorkari Population Control Bill ka yanglutsüla ta Togadia-isa metetdaksü.

Pravin Togadia ya Antarashtriya Hindu Parishad indang central president lir aser Rashtriya Bajrang Dal-i ayongba Hindu sammelan nung tongti tesemdang liasü.

UK museum nungi Naga nung terettera bener arutsü

Kohima, April 24, 2023 (Agencies): United Kingdom nung aliba museum ka nungi Naga nung terettera bener arutsütsüba mapa inyaker.

Oxford nung aliba Pitt Rivers Museum (PRM) nung alima tesem balala nungi alemli nüngotem bendena yua lir aser iba nung Naga nung terettera 213 dena lir. 2020 küm parnoki meimchir terettera aser temulung yiruba osettem agentsü ta metetdakja liasü.

Iba osang angashiba sülen Australia nung amenoka aliba Naga anthropologist Dolly Konyak-i Edinburgh, Scotland nung Naga social scientist Dr Arkotong Longkumer anir PRM director Laura Van Broekhoven den ajurutepa liasü.

Iba sülen parnoki Forum for Naga Reconciliation (FNR) dang Naga nung terettera aser nüngotem bener arutsü atema yariteptsü mepishi.

Küm 100 tejakdang British nungeri Nagaland aser Naga nung aliba tesemtem nungi meimchir teretteratem bener aoba liasü. Iba ya colonised nisungtem sayutsü atema bener ao aser tang "decolonisation" maparen kübok item osettem meyipa agütsür.

Iba maparen nung FNR-i yariteper ta convenor Dr. Wati Aier-ia ashi.

"FNR-i Dolly Kikon aser Arkotong Longkumer na den ano Naga nung kar dena 2020 küm Recover, Restore and Decolonise (RRaD) team ka tentet" ta FMR züngsem Ellen Konyak Jamir-ia ashi.

"Meimchir indang terettera ya tashiyim agi bener aoba liasü aser külemküja kecha mesüi dang bener ao ta onoki angazükogo" ta Ellen-ia ashi.

RRaD team-i shishashirtem, tainten aser kin telok balala den sensaksemogo aser iba mapang tebilemba balala angashiogo, ta

laisa ashi.

"Kohima aser Dimapur nung lanurtemi morung lectures nung aden aser parnoki kanga metetnür, saka tain karibo teretteratemji bener marutsüla ta ashir" ta Ellen-isa ashi.

"Arkatong Longkumer aser Meren Imchen nati nübertem nem metetdaksütsü atema 'A Path Home' ta ser graphic novel ka adokogo. Iba ya kanga dang tongtipang mapa ka lir aser asen oboula-otsüla nung terettera bener arutsüba ya tongti mapa ka lir aser Naga nungeri iba ya meteta alitsüla" ta Ellen-isa ashi.

Pitt Rivers Museum (PRM) nung Naga artifacts 6,000 shi ka lir aser idak nung jagi meimchir teretteratem meyipa bener arutsü inyaker.

PRM director Laura Van Broekhoven-ia Naga sobaliba tali metettsü aser kin balala den ajuruteptsü atema yaküm Hornbill festival nung arua denogo.

Pfutsero yimdak Tsukhenyie benjong mera keta amung



April 24, 2023 nü Pfutseromi yimdak Tsukhenyie benjong nung Minister, Tourism and Higher Education, Temjen Imna Along-i dokantem semdanga aoba noksa nung angur.

Dimapur, Rongchii/April 24 (TYO): Chakhesang Public Organisation (CPO) ajanga Department of Tourism den lungjemer April 24, 2023 nü Pfutseromi yimdak Chakhesang kin benjong Tsukhenyie munga liasü, kong Minister, Tourism and Higher Education, Temjen Imna Along tesemdang tongti liasü.

Minister Imna Along-i sentong nung jembidang CPO aser Pfutseromi village dang pelaba lemsatop aser Chakhesang nüburtem ya anepaluba, ochishiba aser meranga inyakba kin ka ta züngshir, ta ashi.

Pai nüburtem dang sobaliba angazütsü aser jangratema benjonger itemji bener pei kidangi aotsü ayongzüka liasü.

Tourism asoshi Phek ya nükla tulu lir, kong süngdong-

lidong aser arem shiruru, ozü-sangnu aser alima tebour ajung den sobaliba tsütsü takar lir, ta pai ashi.

Iba sentong nung Wepretso Mero, NCS (Rtd.) ajanga Tsehkenyie puti otsü rateta shia liasü.

Takok ngua alu aruba temaitsü aser pelatepa asendenshitsu nükjidong nung Chakhesang kini Tsukhenyie benjong ya amunger. Iba mapang ano parnoki takok aser temaotsü küm ka sudakjang ta sarasadema amunger.

Iba sentong nung Deputy Commissioner, Phek, Kumar Ramnikant, IAS ajanga salem o jembi, kong Medozii Mero menden liasü aser Wenyi Kapfo-i Tsüngrem temoatsü meshia sarasadema liasü.

Iba benjongmung tenzüka

temaitsü Tshiiipelo Medo-i jangzü apu aser CPO tir Veziihu Keyho-i Tsukhenyie balloons tem saya aser Chakhesang Cultural Organisation ajanga sobaliba ken ka aten.

Chakesang kin nung tambutisang arishi küm 106 tain Ngulo Lomi-i benjongmung moaja liasü, kong chief host MLA, Dr. Neisatuo Mero liasü.

Iba sentong nung MLA aser leader of NPF Party, Kuzholuzo Nienu ya cultural guest liasü aser Advisor, CAWD & Taxes, Keducho Khamo ya tetushi tesemdang liasü, kong MLA Kevipodi Sophie aser sorkar ketdangsür aser nübur lenirtem dena liasü.

Iba sülen tesemdang tongti-i anir lenirtemi department aser yimsüng balalai stall lapoka aliba semdanga liasü.

Tuensang nung Fire and Emergency Services mock drill agi

Dimapur, Rongchii/April 24 (TYO): Fire and Emergency Services pur Mock Drill ka Tuensang Village nung April 23, 2023 nü agia liasü.

Iba sentong nung Inaka, Sub Inspector, Fire and Emergency Services Tuensang lenisüba kübok department ajanga fire extinguisher amshia mi remseptsü yimyatem sayua liasü.

Maneni emergency mapang gas cylinder nungi mi pila ayutsü aser lendong ajurudang mera balala agitsü indang sayua liasü. [7:43 pm, 24/04/2023]

Jungshi Tyy: Jalukie nung Agro-Food Processing Machines lema agütsü

Dimapur, Rongchii/April 23 (TYO): Department of Land Resources, Peren District ajanga Livelihood, Micro-Enterprises and Business Development component of PMKSY- WDC 2.0 villages kübok Agro-Food Processing

Machines sayatsüba aser lema agütsüba sentong ka April 24, 2023 nü DPO Office, Jalukie Town nung agia liasü.

Iba sentong nung District Project Officer, LRD, Alemla Aier ajanga iba sentong teratet rasaa ashiba mapang, yimdaklir nem entrepreneurial skills agütsütsü kanga tongtipang lir, ta ashi.

Economy, Ecology aser Equity tetetzü 'E' asem ajungkettsü asoshi Department nükjidong nung rangloker lai jembia liasü.

New Jalukie Village Council Chairman, Liangkebo-i iba sentong nung jembidang, New Jalukie Micro Watershed aser talisa PMKSY- WDC 2.0 villages nem kanga nüngdaka aliba temelenshi bener arutsütsü atema Department-i mapa tulu inyaker, ta ashi.

Sentong nung Deputy Commissioner Peren, Vineet

Kumar, IAS ajanga jembidang, Land Resources Department ya kanga teyakyak aser aluyimer asoshi tajung lir, ta shia liasü.

Department ajanga maparen balala kanga junga achayanga ayongzüker aser tajangzüker alir, ta ashi.

DPO ajanga ashiba nung o medena jembidang, par nükjidong nung 'E' talila ka inoksemtsüla aser ibaji stakeholders nem "Entrepreneurial Capacity" agütsütsü lir, ta pai ashi.

Iba sentong nung menden Inspector, LRD, Rongsenkaba menden liasü aser Pastor Ihusing-i osettsüset meshiteta sarasademja liasü.

Iba sülen Deputy Commissioner ajanga multi-purpose solar dryes, vegetable oil expeller aser rice huller machine tem PMKSY-WDC 2.0 nung stakeholders nem lema agüja liasü.



Eastern Christian College indang Department of History pur April 22, 2023 nü Dzüleke-i field trip ka oa liasü. Iba sentong nung kaketshir 43 aser tesayur asem dena liasü.



KOHIMA AOR TELONGJEM YIMKONG MUNG DANG

ANOGO : 29TH APRIL 2023
MAPANG : 11:00 AKO
TESENTEPAK : MOLU KI

TONGTI TEJAAKER : WB. METSÜBO JAMIR
HON'BLE MINISTER, RD & SIRD

KETDANGPURTEM

- TIR : WB. L. CHUBALEPZÜK AO
- TATONG TIR : WB. T. CHUBAYANGER
- TONGTI ZÜLUR : WB. I. LANUSANEN JAMIR
- REPSEM ZÜLUR : WB. TEMJEN PONGENER
- SEN ZÜLUR : WB. PANGERTOSHI PONGEN

SENTONG TARENSEN

- MENDEN : KETDANGPURTEM
- 1. Menden Okila : Wb. L. Chubalepzüc Ao, Tir KAT
- 2. Lai Zünger Sarasademtsü : Wb. Rev. Tiatoshi Longkümer, Pastor KABA
- 3. Tayongzüka O : Wt. Nükshirenla, Mendenbula Kohima Watsü Telen
- 4. Sobaliba Ken Ka : Jangpetkong Senso Telongjem, Kohima
- 5. Tajungshi O : Wb. C.T. Jamir, Senior Advocate Gauhati High Court, Kohima Bench
- 6. Temeja Ken Ka : KABA Choir, I/C Wt. Amongbi Jamir Associate Pastor Music, KABA
- 7. Tongti Tejaoker O : Wb. Metsübo Jamir Hon'ble Minister, RD & SIRD
- 8. Osangtem Agitsü : (1) Tongti Zülur (2) Sen-O-Tsü Zülur (3) Molu Ki (4) Kohima Aor Officer Telongjem (5) Kohima Watsü Telen (6) Ao Student Union Kohima (7) Nüngtet Luden
- 9. O Lemtepa Mapang :
- 10. Menden Melentepba Mapang : Wb. I. Meyionen Jamir Tayonger, Nüngtet Luden
- 11. Tetoktsür Menden O : Wb. L. Chubalepzüc Ao, Tir KAT
- 12. Melepzüng O : Wb. T. Chubayanger, Tatong Tir, KAT
- 13. Tatem Sarasadem : Telok

TEMETETSÜ

- Sentong temer lokti chiongtsü.
- Sentong mapang Kohima Merangkong Kaketshir Telongjemi achayangtsü.
- Iba sentong nung Aor ajak Süngpu nungi Pudi tashi Sobaliba sobutsü nung arua atentsü metetdaksür.
- Iba sentong takok angutsü asoshi ajaki sarasadema atadi.

Yingli College kaketshir tem Yaongyimchen semdang



Dimapur, Rongchii/April 24 (TYO): Yingli College indang Department of Environmental Sciences pur field trip ka April 22, 2023 nü Yaongyimchen Alayong Sanglu Biodiversity Conservation Area leni oa liasü.

Iba sentong nung Yingli College nung final year students 52, tesayur pezü aser Lemsachenlok Society nungi züngsem trok dena liasü.

Iba mapang parnoki Peyong & Molong aser Teshilepjen ama sobaliba nung tongtipang tesemtem semdanga liasü.

Lipajen shisadanger tejangja, Nuklu ajanga kaketshir dang

lipajen wazüka ayuba nung ajaki shilem agitsü nüngdakba indang shia liasü.

Parnoki semdangba tesemtem ya alimai kanga junga meteta lir aser anasa aliba district tem, WII Dehradun aser US nungi internship aser research atema iba tesem ya semdang.

Parnoki Namba watch tower nungi Amur falcon roosting sites tem repranga liasü.

Iba sentong ajanga kaketshirtem molungjang nung lipajen wazüka ayutsü ajungmesoba ka aitdakja liasü.

List of selected Artisans for State Handloom Expo, Urban Haat, Dimapur.
w.e.f :- 28th April - 11th May 2023

SL. No	NAME	STATE
1	Ashini Ingal	Assam
2	Sumita lagachu	Assam
3	Khurud lagachu	Assam
4	Iyingbi Devi	Manipur
5	Chaoba Devi	Manipur
6	Mutum Jogindro Singh	Manipur
7	Imdangtila	Dimapur
8	N.Yungmoi	Longleng
9	Tiamoa Tzudir	Mokokchung
10	T.Anung	Tuensang
11	Bendanglemla Imchen	Mokokchung
12	V.Kazhevi Awomi	Zunheboto
13	Khuloto Yeptho	Zunheboto
14	Tokato H.Yeptho	Nuiland
15	Jongse Sangtam	Kohima
16	Vinoli Awomi	Zunheboto
17	Litoli Zhimo	Zunheboto
18	Satemnungla	Mokokchung
19	Lanutila	Mokokchung
20	Apenla Longkumer	Mokokchung
21	Hushika	Zunheboto
22	Hosheli V.Zhimo	Zunheboto
23	Apenla	Mon
24	Nungsangmenla	Mokokchung
25	Tiasola	Mokokchung
26	Aloto Yeptho	Mokokchung
27	Imsumongla Longkumer	Mokokchung
28	Imlikala	Mokokchung
29	Watisola	Phek
30	Suneplong	Mokokchung
31	Ivuto	Zunheboto
32	Khelito X.Sumi	Mokokchung
33	Khriengtuonuo Mere	Kohima
34	Lemsemchila Lemtur	Mokokchung
35	Imlimenla	Mokokchung
36	Anne Yeptho	Zunheboto
37	Saraholi Yeptho	Nuiland
38	Beryl Zhimo	Zunheboto
39	N Apokla	Mokokchung
40	Hen E.Konyak	Mon
41	Imkongtoshi jamir	Mokokchung
42	Atobo Aye	Zunheboto
43	Bendangsunep	Longleng
44	Yashinenla	Mokokchung
45	Lipoksongla	Mokokchung
46	J Alemla Jamir	Kohima
47	Nepmei Phom	Longleng
48	Moakum	Mokokchung
49	Bendangmenla	Mokokchung
50	Kheniho	Zunheboto
51	Ngaple	Mon
52	Lanutola	Mokokchung
53	Toshinaro	Mokokchung
54	Tohoni	Zunheboto
55	M Saziia	Dimapur
56	Aleminla	Mokokchung
57	Bendangnaro	Mokokchung
58	Ahuto	Zunheboto
59	Manloi	Kohima
60	E Merry Phom	Longleng

- NB:-**
- The selected participants are directed to report to the exhibition at Urban Haat, Dimapur at 7 a.m
 - The participants are directed to keep their exhibits in their respective stall under lock & key. The office shall not be held responsible in case of any losses/theft.
 - Selected participants must display genuine products with full stock failure to do so will result in revoking the their participation from the Exhibition.
 - Selected participants are informed to strictly follow COVID SOP and reach at scheduled time. In case of failure, appropriate action will be taken.
- Managing Director**



April 24, 2023 nü Howrah district nung West Bengal Chief Minister Mamata Banerjee, Bihar Chief Minister Nitish Kumar aser Bihar Deputy Chief Minister, Tejashwi Yadav nunger senden amenba sülen parnokki osangbenertem den jembidang tangokba noksa nung angur. Osangbenertem den jembidang Nitish Kumar-i, "Onoki Didi (Mamata) den senden mena yimtenren atema jembidago. BJP anema yimtenren party ajak longjemtsüla ta onoki bangjemogo," ta metetdaksü.

Sudan nungi India nunger anir arutsü atema Operation Kaveri tenzükogo

New Delhi, April 24 (Agencies): Tang rara adoka aliba Sudan linük nungi India nunger anir arutsü atema Hombarnü India-i Operation Kaveri tenzükogo. Hopta ka tejaklen Sudan nung army aser paramilitary sepai tsüngda rara tenzükba sülen India nunger ka densema nisung noklang aika asüba den aika yiruogo; iba linük nung tensa tamajungba akümer, ta osang angazüker. Hombarnü Minister of External Affairs, S Jaishankar-i twitter ajanga, India nunger anir arutsü atema rong aser tayimtsü apusoa ogo; India nunger 500 shi Sudan tzüyinkümlen adenshia lir aser ano aikati iba linükji toktsür arutsü atema renemdar, ta metetdaksü. Amongnü anepdang Ministry of External Affairs (MEA)-i, Indian Air Force (IAF) transport aircraft ana Saudi Arabia kübok Jeddah yimti nung lir aser Indian Navy rong ka Sudan tzüyinkümlen lir, ta metetdakja liasü. Hokolbarnüa Centre sorkari, tang Sudan linük tesem balala nung India nunger 3,000 dak tema lir, aser India nunger karbo France aser Saudi Arabia nungeri anitetogo, ta metetdakja liasü. United States, United Kingdom aser France densema linük aikati pei sensotem Sudan linük nungi anitetba mapang nung India sorkaria sensotem iba linük nungjagi anitetsü atema Operation Kaveri tenzükogo.

Supreme Court-i kasa kiyimba onük ya Legislature nem agütsütsüla

New Delhi, April 24 (Agencies): Hombarnü All District Court Bar Associations of Delhi coordination committee-i, tang Supreme Court nung angadanga kasa kiyimba ken o ya court-i masü saka legislature nem telemetba agidaksütsüla, ta ashi. Linük nung tetsür o tetsür na mesüra tebur o tebur na kiyimtsü ozüing ajanga temelaba agüjang, ta Supreme Court nem temepishiba ken o aika agüja lir. Bangzüng ka ajanga coordination committee-i, Supreme Court nung iba ken o angadanga ya onük tulu, aser iba ya ajanga loktiliba nung timtem adoktsüa akok, ta metetdaksü. "Loktiliba nung kongshitsüsa aliba onüktembo Parliament nung ang o lemtepa telemetba agitsüji kanga tongtibang, kong nüburtemi shimtetba lenirtemi peipei tesem nung tebilemstü onüktem angadanga tebilemba lemsateptetsü," ta parnokisa metetdaksü. Iba ken o ya judicial ajanga rateta obendang agütsütsüla onük ka masü, kechiyong iba onük ya lenla ajaklen nungi jembiteptsü onük ka lir, ta committee-i metetdaksü. "Iba ken o ya Parliament nem agütsütsüla, kong tebilemba ajak süoka jembitettsü," ta corodination committee-isa metetdaksü. Anogo ishika jakdang Centre-i Supreme Court dang, kasa kiyimba onük nung Centre-i state tem den jembidar, kechiyong state temji tongtibang stakeholders lir, ta metetdakja liasü. Centre tenüng nung jembitsür Solicitor General, Tushar Mehta-i judge pongui akümba SC Constitution bench dang, kasa kiyimtsü atema temepishiba ken o angadanga nungji state tem-a dendaktsütsüla, ta ashi. Judge pongui akümba bench nung tongtiji Supreme Court Chief Justice, DY Chandrachud lir aser züngsemtemji Justices-SK Kaul, SR Bhat, Hima Kohli aser PS Narasimha nunger lir. Centre sorkari, Supreme Court-i iba onük nung kechi telemetba agidir agiaka state temi ozüing yanglutsü temeden aliba ajanga iba nungji kongshitsü; state temi iba onük nung telemetba agia lir, anungji iba onük angadanga nung parnok dendaktsütsüla aser parnok tebilembaji-a angadangsüla, ta metetdaksüogo.

Tasü mang ali nung atsüshiba atema police 4 mapa nungi anentsüogo

Kolkata, April 24 metetdaksü. (Agencies): Taoba hopta West Bengal nung Uttar Dinajpur district kübok Kaliaganj nung tetsür chanu tasü mang ka lenmang nung atsüer aoba atema Hombarnü police officer pezü mapa nungi anentsüogo; par pezüpronglaji Assistant Police Sub Inspectors (ASIs) lir. ASI pezü rongnungjagi parnok asem Kaliaganj Police Station nungi aser ka Raiganj Police Station nungi lir. "April 21, 2023 nü tetsür chanu tasü mang ka ali nung atsüshiba atema onoki ASI pezü mapa nungi anentsüogo," ta police ketdangser kati Hokolbarnü tetsürula tasü mangji Kaliaganj nung aliba ayong ka nung apongdeka lia angu. Laji kari tashiyim amshia raksatsür tepset asütsüa akok, ta melung melemi yangji alyrtemi gari lenmang mokdang longkak aita dokan aika rongdokja liasü. Post-mortem report ajanga tasü mang nungji yiruba zübo kecha maliasü ta bushitetogo, ajisüaka nisung tepsetba atema IPC aser Protection of Children from Sexual Offences (POCSO) Act kübok ken o benokogo, ta Uttar Dinajpur SP, Md Sana Akhtar-i metetdaksü.



April 24, 2023 nü West Midnapore district nung aliba Kalaikunda Force Station nung Indian Air Force aser US Air Force sepaitem India-US joint exercise agidang tangokba noksa nung angur.



TIR YIMYIM YIMOBILEM (EDITORIAL)

DIMAPUR SANGTENNÜ, RONGCHII (APRIL) 25, 2023

Nütsüng Teimtiba Linük

- Tangsen Lemtur

Kobi melii alima nung nütsüng teimtiba aliba linükji India asütsü, ta tesüiba küm ishika jembia aruba tu tanübo atangji atalokogo. Alima nung nütsüng teimtiba aliba linükji China liasü saka tangbo India kumogo, ta tawa UN-i metetdaksüogo. India ama nütsüng shilem tulubaka sensakertem aliba linük ka nung nütsüng crore 142.86 akümbaji osang tajung kabo masü. 2019 kum UN-i, 2027 kum tashi nungbo alima nung nütsüng teimtiba aliba linükji India akümtsü ta asadangteta liasü saka iba dang nungjagi tekara atalokogo. 1979 kum China nungbo one-child policy (kibong nung tanur ka dang agitsü) mapatong tenzük aser 2016 kum nung ang iba mapatong tembang; iba mapang nungji China nung nütsüng tali arenba azüokteta liasü. 2016 kum nungi China sorkari kibong shia tanur ana agitsü mela aser 2021 kum nungibo kibong shia tanur asem tashi agitsü melar. Yamaji India nunga mapang shia lenirtem aikati linük nunga China nungeri inyakba ama nütsüng tali arenba azüoktsü atema mapatong kar benoktsü akhanger. Küm shia India linük tesem ajaklen 'World Population Day' amongdang lenirtemi linük nung nütsüng tali arenba tebilemtsü atema jembir. Atangji tang India nung ali square kilometer 1 shia nisung 400 dak tema lir, ta asüba osang kija nungji shisabulutsü keta lir, kechiyong nütsüng kanga arenba ajanga ali nungi adokba rongsen agi meperir. Mongintemi ashiba agi, 1960s mapang nungi tenzuka ali nung temo tajemba-tajemba akumer, iba dak alia alima tatsükba akümer, tsüngsang-mopung melenshir, tzü tajung tajemba-tajemba akümer aser chiyungtsü ishiba züsenteter, ajisüaka nütsüngbo teimba-teimba dang akümer, anungji mapang ka nungbo chiyungtsü agi anungba wara tulu ajurutsü. Alima nung lenirtemi tsüngsang mopung melenshiba, alima tatsükba akümba, tzü aser chiyungtsü tebilemtsü, kiralongra aser nuclear rara nokdangtsü onüktem atemabo kanga jembia inyaker, ajisüaka nütsüng tali renlokba tebilemtsü onükbo aiben sendoker, yamaji India nunger Parliament nunga nütsüng tali arenba tebilemtsü onük atemabo khenyongi mejembir. Tang India nung second shia tanur kaka asor, ghonda shia tanur 2,403 asor aser anogo shia tanur 57,000 dak tema asor. Tang alima nütsüng shilem 18 jungnüabo India nung lir saka alima nung India nunger alinük (ali) shilembo 2.4 dang lir. India nung nütsüng tali züinbaji linük litsü den mesüteper, kechiyong nütsüng züinyonga lushibo tuluba makümer, iba nungji shisabulutsü keta lir. India nung state kar nungbo sorkar mapa inyakerkem tanur ana dang agitsü mapatong (two child policy/State Population Policy) lateta lir. 2017 kum Assam nunga two-child policy tenzükogo. Assam dak alia state 10-11 shi nunga two-child policy benoka lir saka aika nung mapa kuma meinyakteter. India nung nütsüng onsara züinba agi sorkari nütsüng arenba nokdangtsü asoshi sentong tapu balala yanglua nübur nem tangatetba agüja arudar, ajisüaka nütsüng azüoktsü atema Parliament nung ozüng meyanglura tebilemtsü khuret tuluba dang akümtsü aser mapang ka nungbo yimtenren yimsüsürtem tsüngda kati ka nem tai tongloktsüteptsüsa mapang arutsü.

OLEMSABANG

AJEMALUR-I ALIMA SENMANG AMANGTSÜ

- L. Kika Pongener.

(Yashi adok nungi...)

Anungji asen jenjang tera ajungba mapang, ngasangadema, asüküma, mezümeküma meli-i, ajak den sungpo aputepa mapa tajung inyaksüla. Kechiyong alima nung takar agi sensaker akümtsü temela aser tular agi tilar akümtsü mela-melar. Aseni ngua kika suchir chirnur/semchir karbo, benjong nangzuka takar sua meren-merena lia aliba, saka tesasatsüka asa-taoi lenmang nung ajurur ajak dang meshimetsüa taküm tempangba karbo nguogo. Tanü tular chirtem aika mozü-lar/yi-lar kümer Rehab Center & Jail nung yua kar, saka tilar chirtem aika tular menden nung mena lir. Tsüngrem o-i ashir, "Ni alartem kor nung sanger angu, aser chubatem alar ama ali nung jajaa angu" (Sayu-10:7). Atangji, alima nung nisunger libaliroba ya melentepa aliba lima nung alir...Anungji tanü asen jenjang tera junga lir ta ser, tangar karbo kanga mezüngmeshia ajemoka yutsüra, ashiko asen-a mapang kabo iba jenjang jagi aitsü mapangi bentsür arutsü. "Asüküm agi teraksa adokdaksür aser ngasangadem agi ludaksür" (A.Shin-16:18). Tanü asen ket nung rongsen kar ta ser tangar tenuk agi mangu ngasangadema asüküma lira, asüng item rongsenji shir meyong asütsü shingaia meteta mali. Tsüngrem o-i ashir, "Nisung tajungi pei semchisemnur nem senmangtsü toktsür; Saka temenenpur rongsenji temeshipur asoshi rizünger" (A.Shin-13:22). "Asüng indang ne sasa mezümeküm tesu; Kechiyong anogo-i kechi bener arutsütsü nai memetet" (A.Shin-27:1). Takar agi sensaker akümtsü temela, anungji rongsen tera kar ser masükümtsüla.

Otsüla-oboula nungeri shin o jembia aruba, sungdongji kechi sungdong-ar sungjangi sayutsü. Yisu-ia yamai ashi, "Kechiaser sungdong tajung nung sungjang tamajung matanger, mesura sungdong tamajung nung sungjang tajung matanger. Kechiaser sungdong shia pei sungjang agi meteter" (Luke-6:43-44). Mimchir yimya agi kodang pei ket nung rongsen aika lidir, aser tashi (Power) lidir, idangji karibo tangar tenuki mangu, ngasangadema, asüküma, mezümeküma ulua bilemer, oda tangar kar par amaji jenjang junga akümtsüsa adokba ngura talak mesuker toktsütsü meranger, aser shinga meli-ka ta tainmazü ainer. Ajisuaka, tia mekai-ka par chirnur/semchi-semnuri iba senmangji mamangtetsüsa tensa tia kati bentsür arura koda tesasatsüka asütsü...!!! Tsüngrem o-i ashir, "Ajemalurtemi alima senmang amangtsü" (T.Ken-37:11). Tsüngrem o-i ashibaji, tilar aser sensakeri alima senmangji amangtsü...ta ashirba masü, saka shirnoki Tsüngrem aküm tsübuva, tila kümer ajemalua ajak den sungpo aputepa liteter, mapa tajung inyaker aser ajak den sungpo aputepa liteter, parnoki alima senmangji amangtsü. 'Ajemaluba'... ya tilar/sensaker tang ajarba masü, tular/takar asüyongjia shirnoki ajemalua tila kümer ajak den amalitepa, jungtepa, sungpo-aputepa, akümtsübutepa, meimtepa, longjema liteter, iba amala nisung tangji 'Ajemalur' nisung ta ajar.

Tanü putu nunga karbo chuba chiyungtsü chiyunga, chuba subotsü subor, Gari tajung nung mener, Govt. Official & Police Escort aikati meiner, aküm-ket-keta senzua alirtem, tesasatsüka, tanübo teküpoktiba jenjangi sepzuka alur, sentsüh agi tsühbanger, ala-ashia aliba-a karbo lir-ko. Ano karbo par tetsü-tebuo nungerbo tangar kidang auso remdaka yur, tangar tenya-ashi anga-a, tangar kidang aayanga lia aliba, tanübo tular menden nung mena lir-ko, oda akhi mapang tepetzük tia jenjang nung aliba ajak-to pongmang ka amai bilema, taso-a shizuka aliba-a karbo lir-ko. "Kibubai ajemalur takok agi tobur jungdaksütsü" (T.Ken-149:4.b). Aji oda, nisungi mezüngmeshia sentokaka, shirnoki ajemalua tila kümer lidir, Tsüngremi balaka moatsütsü aser ajungkettsü. "Tsüngremi asükümer nokdanger saka ajemalur nem taochi agutsür" (1 Peter-5:5).

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger agateta agitsü mepishir

US nung 34buba National Bible Reading Marathon tenzükogo



April 22, 2023 nü U.S. Capitol complex nung 34buba National Capitol Bible Reading Marathon tenzükba sentong nung tangokba noksa nung angur.

April 24, 2023: US nung 34buba National Capitol Bible Reading Marathon Honibarnü (April 22) tenzükogo; coronavirus wara aliba agi iba sentong ya küm ana tashi magiteti aruba sülen tang mezüing U.S. Capitol complex nung iba sentong agir.

Indiana nung amenoka aliba ministry telok- Seedline International-i ayongzükba sentong ya April 22 nü nikongdang 2:00 ako nung National Capitol indang West Terrace nung tenzük, aser iba sentong ya April 26 nü anepdang 10:00 ako nung tembangtsü.

Volunteers telok kati minute 15 lemsar melentepa Lipok kaket nungi Jungkai Adok kaket tashi azüingtsü.

National Capitol Bible Reading Marathon nung shilem aginertemi online ajanga tenüing agütsütsü akok aser Lai azüingba nung shilem agitsüpurtemji Khrista nung

tanaben asortem asütsüla aser minute 5 jelia sentong agiba tesem atongtsüla, ta sentong ayongertemi jelia metetdakja liasü.

Laishibaji volunteer-i azüingtsü saka shilem agitsü janjartemia maongka angutsü.

Interview ka nung jembidang Seedline International tenzüksang aser Director, Keith Davidson-i, "Iba sentong ayongzükba akaba ajanga nisung aika Laishiba dangi meyiptsü imlar. America tenzükba asen tsüraburtemi asen linük tamendakdakji Laishiba nung ajemdaker yanglu ta aikati bilemtetsü," ta metetdaksü.

Bible Reading Marathon ya Seedline International indang YouTube channel nung live sayudar.

Iba sentong nung shilem agitsü janjar Congress züingsemtemia Capitol nungi Lai azüingtsü maongka angutsü, ta paisa metetdaksü.

Davidson-i, iba sentong nung

Khristan school tem nungi kaketshirtem aser Arogotem nungi züingsemtema adentsü, ta metetdaksü.

Davidson leniba nung iba sentong agir, ajisüaka iba sentong takok angutsü atema züingsem 35 aliba volunteers team kati yariteper.

National Capitol Bible Reading Marathon dak alia Davidson-isa linük tesem ajaklen state capitols nunga Bible Reading Marathons ayongzükba nunga yariteper.

State capitols nung Bible Reading Marathons takok ngua agidar ma?, ta asüingdangba langzüdang Davidson-i, "Kanga junga odar. Onoki Tennessee, Indiana aser Pennsylvania nunga agiogo. Onok West Virginia, Louisiana, North Carolina aser South Carolina-ia oa iba sentong ayongzükba agitsü. Onoki Colorado aser Texas nunga iba sentong aginer," ta metetdaksü.

ANOGO ABEN TSÜNGREM DEN

Tenzükba Ajanga Tenüing Asangba (T. Ken 100:2)

Tepela ola agi tepela tenzükba dangi anir. Asenoki Kibuba tepela agi tenzükdi süra asenok o mapa akümtsü. Yisui anemsü agi külemertem anema tekümdangtsü agütsü (Matt. 15:8). Asenoki Kibuba koda asüingteta külemtsü?

Mezüingbuba, asenoki mulunga tenzüktsüla. Tsüingremi kechi mulunger aji inyaksü asenok alangzük. Iba tekong ya Tejen Lai nung Yihuda nunger asoshi tetezü akaba tekong ka liasü, kechiaser parnok i alar tiaji meteta liasü. Tsüingremi parnok Ejipt alar lia Pa tenzüktsü asoshi alangzük.

Tanabuba, asenoki mejameja Kibuba tenzüktsüla. Asenoki Kibuba tanga mapa den meyoktepa tenzüktsü makok (Matt. 6:24; Anitet 20: 2,3). Saka asenoki Yisu asoshi tangar tenzüktsü akok. Asenok alizüingji Pa dang peladaksütsübaji lir. Asenok taküm asoshi tashi, shisatsü aser sentong Pa nungi dang arur.

Tasembuba, pelaseta tenzüktsüla. Ken tamatokba chir o entepba otsü nung jabaso tambusang ama asenok akümer; asenoki Tebui mulungba mapa inyaksü akok, saka asenok Pa mulungjang nungi talangka pilaa alir. Asenoki nemnema tenzükba mapaji Tsüingremi maginer. Iba jagi lidaktsür. Kodang asenoki Pa pelaseta tenzükdir aser ainer, renloker aser peladaksür. Kibuba tenzükba nung na pelaa lir ma?

Asenok mapa ajanga asenoki Tsüingrem mapa küma tushir. Na arogo nung mesüra lokti nung Kibuba tenzükba nung dena lir asü? Kodang nai mulungsoa Kibuba mapa inyakdir, nai Pa sentsüwangshidaktsür. Tebang agi tenüing asangba mapa dangi na anidakjang.

ABAM Zone 8 & 9 Arogotem nungi Deacon training agiogo



Dimapur, April 24 (TYO): ABAM Church & Mission ajanga ayonga ABAM Zone 8 & 9 Arogotem nung aliba Deacon tem asoshi training April 21 & 22, 2023 anogotem nung Chumoukedima Ao Baptist Arogo nung kanga

temoatsü ngua agiogo, ta ABAM Executive Secretary, Rev. Dr. Mar Pongener-i sangdong ka nung metetdaksü.

Iba training nung Arogo 34 aser fellowship 1 nungi Deacon 165 arua aden.

Training mapang shisalen

sayurtem aser onüktem yamai liasü- Rev. L. Yapang Mollier Secretary, Church & Mission ABAM ajanga 'Tanü Mungdang aser Lim Arogo aser Baptist Distinctive' onük jembia liasü, Rev. Dr. Tamsü S. Pastor Alempang BA ajanga 'Baptist

Arogo Yimsüsüba, Arogo aser Yimten Tesendaktep aser Tepila' onük jembi.

Iba sentong nung Chumoukedima Ao Baptist Arogo ajanga training nung adenerkem ajak yimpoksüa agütsüba asoshi ABAM-i

pelaba lemsateper aser Tsüingrem nungi temoatsü meshitsür; Tsüingremi Ao Arogotem nung Deacon tem Pa wadang asoshi inyakdang taküm aser kibong ajak moajangma, ta kasa sangdong ajanga lemsatep.

AO OSHI ANGAZÜKDAK:
TANÜ ANGAZÜKTSÜBA OJANG



Poteper

(n) ajongli agi po yanglur nisung (potter)

* Changki nung **poteper** tajung lir.

Potsülen

(n) yong agi chipoaonpu amendaksü yangluba (pot stand)

* Alichipo amendaksü atema **potsülen** nungdaker.

OLONG PAITEP # 6495

1		2		3		4	5			
				6						7
		8								
9				10		11				
			12						13	
						14				
16							17			

TIPIEN

- 1. Nisung jenti - (5)
- 4. Tsük rudenba - (5)
- 6. Temzüng tesashi - (5)
- 8. S _ _ _ i - (3)
- 9. Nisung telemsa - (3)
- 10. Anogoshi - (4)
- 12. Ajanga aor - (4)
- 13. Tsük rizungdak - (3)
- 14. Tebang nungi adokba - (3)
- 16. Süngdong tatembangluba - (5)
- 17. Meputep - (5)

LANGTSÜNGLEN

- 1. Tenük telong - (9)
- 2. Committee dang ajar - (5)
- 3. Yagi ki okdoker - (7)
- 5. Yim lenmang - (5)
- 7. Temoatsü keter meyipa aruba - (9)
- 11. Kanga junga menemba - (7)
- 12. Majinü - (5)
- 13. Tzuma nung senzuba - (5)

OLONG PAITEP # 6494 TELANGZÜBA

TIPIEN :

- 2. Bangsemo, 6. Tiptem, 8. Jen,
- 9. Talila, 11. Aren, 12. Tzübo,
- 14. Alia, 16. Angati, 17. Odi,
- 18. Azü, 19. Sünglang.

LANGTSÜNGLEN :

- 1. Yipten, 3. Nüja, 4. Sangro,
- 5. Milen, 7. Tulu, 10. Laza,
- 11. Aben, 12. Tiyong, 13. Ajizük,
- 14. Aitsü, 15. Tasa, 16. Aina.



ALOKBA PUNGMANG TETSÜI

RATETTSÜR :

Alokba : Otsü, yasüngbo ni anentsü ka nung songtema jouka yia pungmang ajai.

Totsüla : Ohoi, na küla aji pungmang majungakoti, sarasademangma.

Alokba : Yaa ma, otsüla ya, ni kü o matemdangsa tejangjungkoto, iba sülenjiang ni süngra ka nung ameter anarongtena adoktet maha?

Totsüla : Hai sülaba, Alokba!

Lilir : WhatsApp

Tanur asoba anogo nung salem osang den noksa angati adokdaksünüra - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimim@gmail.com nung yokang mesüra Tir Yimyim bureau tem nung agüjang.

Arunachal Pradesh ya India shilem ka lir: Lt Gen RP Kalita



Shillong, April 24, 2023

(Agencies): Arunachal Pradesh ya India nung shilem ka lir ta Eastern Command indang General Officer Commanding-in-Chief (GOC-in-C) Lt Gen RP Kalita-ashi.

"Arunachal Pradesh ya India nung shilem ka lir aser iba ya sorkari inyakyim balala ajanga sayuogo" ta Lt Gen RP Kalita-ashi.

Shillong, Meghalaya nung Indian Army indang Headquarters 101 Area indang diamond jubilee sentong nung adenba sülen osangbener den jembidang Lt Gen Kalita-iba osang metetdaksü.

"Line of actual control (LAC) atema tangatetba balala lir aser iba ajanga anatsüleni patrolling maparen inyakdang mangattetep adoker" ta pai ashi.

"Ajisüaka, Indian Army aser Chinese Army tsüngda tenangzüktep pungu tashi agia lir aser khurettem ajurudang lateta aliba protocols amshia angatetep" ta Lt Gen Kalita-isa shisem.

"Tesüiba küm ka Arunachal Pradesh aser Sikkim nung arrtsülen security tensa shitak dang lia aruogo. Ajisüaka onoki tensa jungjunga repranger aser kechi ajurudir ajuruaka asen armed forces-i koktetsü renema lir" ta pai metetdaksü.

Tawa tu China-i Arunachal Pradesh nung tesem 11 indang tenüng melenshiba osang metetdaksü. China-i Arunachal Pradesh dang 'Zangnan' ta ajar aser Southern Tibet ama züngshir.

Külen, China-i Arunachal Pradesh nung tesem kar tenüng melenshiba India-i magizük aser Arunachal Pradesh ya teti India kübok shilem ka asütsü ta metetdaksüogo.

April 2017 nunga China-i Arunachal Pradesh nung tesem 6 indang tenüng melenshia liasü.

Maneni, December 2021 nunga China-isa Arunachal Pradesh telung nung tesem 15 tashi 'standardised' asü.

Tanü iba sentong nung Meghalaya Governor Phagu Chauhan-i Rhino Training

Complex, Shillong nungi 'Rhino Riders' Diamond Jubilee Motorcycle Rally tenzüksü.

Headquarters 101 Area dang 101 Communication Zone ta taoba mapang aja aser April 22, 1963 nü China-i India ali atsünga agiba mapang iba Zone amenoka liasü.

Mizoram nung 1966-69 tashi telungpur anema inyakdang HQ 101 area-i tongti shilem agia liasü. 1971 Indo-Pak war nunga HQ 101 area-i taoba East Pakistan (Bangladesh) kübok Sylhet aser Mymensingh district tem nung mapa inyak.

December 16, 1971 anepdang HQ 101 area-i mezüng Dacca atong aser iba ya Indian Army formation mezüngbuba asüba agi 'First in Dacca' naroküm angu.

Diamond Jubilee sentong nung 1971 war mapang 101 Area nung GOC inyaker Maj Gen Gurbaksh Singh Gill aser Maj Gen Gandharv Nagra na indang kürakyanglu sayaogo. Tena lenisüba kübok 1971 war nung Indian Army-i takok tulu angu.

Dibrugarh jail nung Amritpal Singh 'solitary confinement' nung lir

Dibrugarh, April 24, 2023

(Agencies): Dibrugarh central jail nung Khalistan lennir Amritpal Singh 'solitary confinement' nung yuogo.

Punjab police-i Deobarnü Punjab kübok Moga district nung Amritpal Singh apuba sülen pa Dibrugarh jail,

Assam-i anir arua liasü.

Amritpal Singh ya Dibrugarh jail nung isolated cell ka nung yua lir. Pa den yariteper nisung 9 den pilaa pa puoka lir.

Sikh sayutsüngir Amritpal Singh ya National Security Act (NSA) kübok tai tonglokja lir.

Amritpal Singh den yariteper nisung 9 Dibrugarh jail nung puoka lir aser parnok NSA kübok tai tonglokja lir.

Punjab police-i yashi pa apuba sülen Bhatinda air force station nungi pa special flight ka ajanga Dibrugarh-i anir aru.

Asom Sahitya Sabha-i Basudev Jalan Award 2022 agütsütsü

Guwahati, April 24, 2023

(Agencies): Northeast nung kaketkeno telok tongtipang Asom Sahitya Sabha-i 2022 atema Basudev Jalan Memorial Award angutsüba nisung metetdaksüogo.

Iba sempet ya Dibrugarh nungi Debi Prasad Bagrodia nem

agütsütsü. Pa ya kaketzülur aser sangro mejemer ka lir aser Assamese literature atema shilem tulu agiogo.

May 7, 2023 nü Asom Sahitya Sabha-i Bagodia nung sentong ka ayonga iba sempet agütsütsü.

Bagodia-i kaketkeno nung

shilem tajung agiogo aser sempet ajanga tanga kaketzülurtem ajungmesotsü ta ASS-i metetdaksü.

Iba sempet ya Basudev Jalan nüngtem nung agütsür. Pa ya philanthropist ka lir aser kaketkeno nungitba nisung ka lir.



Japanese Ambassador to India Hiroshi Suzuki-i Tripura Chief Minister Manik Saha den ajurutepdang agiba noksa ka angur. Tena senden amendang Hiroshi-i Bangladesh nung industrial hub ka amenoktsü aser iba nungi India kübok northeast state tem, Nepal aser Bhutan dangi supply yoktsü indang tebilemba lemsatep. Japanese sorkari Bangladesh nung infrastructure projects asem yanglutsü atema \$1.27 billion agütsütsü mulunga agizükogo.

Sudan nungi refugee 10,000 South Sudan-i jena ogo

Juba, Rongchii/April 23

(Agencies): Sudan nung army aser paramilitary forces na tanen makai raraba mapang ka nung Sudan nung refugee 10,000 shi South Sudan-i aitogo, ta South Sudan kübok Renk County ktdangsurtemi Hombarnü metetdaksü.

Honibarnü nisung 6,500 shi arrtsü adena aru aser Deobarnü nisung 3000 shi aruogo aser Hombarnü maneni ano arutsü imlar, ta county commissioner Kak Padiet-i Reuters dang ashi.

Renk nung army commander Dau Aturjong-i ashiba agi, linüki arurtem rongnung noklang nung asemsubo South Sudan nungertem lir aser tanungba ya Sudan, Kenya, Uganda aser Somalia nungertem lir.

Sudan nung South Sudan nung refugee 800,000 shi lir shirnok linük nung mepetmesü tulu adokba ajanga jenshia oa liasü. South Sudan ya 2011 küm nüjiso ngua liasü.

"Local ktdangsurtem aser nüburtemi linüki arurtem nem teyari agütsüdar. Tang tashi nungbo humanitarian organisation temi jenjang agia mali," ta Aturjong-i ashi.

South Sudan nung nisung million ana dak tema prokshir lir, kong 2013 nungi 2018 tashi civil war adoka nisung 400,000 shi siügo. Kasa mapang nung China-ia Sudan nungi lisopurtem mezüngbuba telok aninogo, ta Beijing Foreign ministry-i Hombarnü metetdaksü.

Sudan nung April 15 nü nungi Army aser paramilitary forces na raratep tenzükba sülen nisung noklang aika tepsetogo aser linük nung tzi, chiyongtsü, mozü aser totzü agi anünga kümogo.

China nung mezüngbuba telok Sudan nungi kecha tetsükdaksü makai aninogo, ta Chinese foreign ministry otongdar Mao Ning-i Hombarnü metetdaksü.

China indang foreign ministry-i ashiba agi, parnok ya Sudan atema shishilembaba tsütsü partner tulutiba lir aser 2022 küm teyongtsü tashi nung company 130 dak temai Sudan nung sen intokogo.

Beijing-i takok tashi Sudan nung China nung 1,500 shi aliba kümzüka ayutsü merangtsü, ta foreign ministry ktdangsur Wu Xi-i Deobarnü osangbenertem den sensaksemba mapang ashi.

Ministry otongdar Mao-i Hombarnü ashiba agi, China-i lisopurtem anintsü atema local sorkar kübok department balala, Sudan nung diplomatic mission tem aser kidanger linüktem den tongtepratepogo.

Office of the Longjang Senso Mungdang P.O. : Impur, BPO : Longjang, Mokochung: Nagaland

SANGDONGER

Tamasa sensosanger ajak dangi senso mungdang menjenti ajanga salem abener. Senso temzüng nung ajemdaker senso inti mungdang 28th April, 2023 anogo nung alitsü sentong adokogo. Anungji sensosanger ajaki iba anogo nung arua shilem tajung agitsü ayongzüker.

28th April, 2023 anogo nung bendanger shinga yim süngküm telongi aittsü memelar.

Sd/- M. Temjen Jamir President Longjang Senso Mungdang Sd/- Süpongsashi Secretary Longjang Senso Mungdang

Alima nung mitkar tsütsü sen indokba taoba küm timba liasü

Stockholm, Rongchii/April 24

(Agencies): Alima nung mitkar tsütsü senotsü indokba rongnung 2022 küm timba süa sen trillion \$2.24 indoka liasü, kechiaser Russia-i Ukraine amakba ajanga Europe tesem ajungalen mitkar tsütsü sen tali indok, ta alima nung defence asadanger ajanga ashi.

Alima nung küm ti tashi mitkar tsütsü sen tali indoka arur, ta Stockholm International Peace Research Institute (SIPRI) ajanga küm shia alima nung mitkar dak sen indokba asadanger osang Hombarnü agütsüba nung shia lir.

Europe nung shilem 13 tali akum, koba tesüiba küm 30 tsüngta timtiba alitsü.

Item ya timba Russia aser Ukraine dak sendaktepa lir saka danga linük temia Russia nungi timtem agütsütsü tangatetba nung mitkar dak sen tali indok, ta SIPRI ajanga ashi.

"Küm ishika alima nung mitkar dak sen tali indokba ya asenok kumzüka maliba lima ka nung aliba temaitsü lir. Tensa mejungi akumba tarutsü nung tajungba akumtsü teimla monguteti linük temi mitkar tashi itshiba nung temolung agütsür," ta SIPRI indang Military Expenditure and Arms Production Programme nung senior researcher Nan Tian-i ashi.

Moscow-i 2014 küm Ukraine indang Crimean peninsula amak aser rakzüik, aser linük anüdoklen sorkar anemer telok balala yari aser 2022 küm February ita tashi ajak amshia amak tenzük.

Iba mera yagi Russia kidanger mesüra mapang ka Soviet Union nung shilem ka aliba danga linüktem aoksadaksü, Finland-i mitkar nung sen shilem 36 agi tali indok, Lithuania-i shilem 27 agi timba indok, ta SIPRI ajanga ashi.

Russia den mile 833 shi agi

arütsüa aliba Finland linük ya April ita nung NATO züngsem 31 buba akum. Küm 200 dak tema mitkar tsütsü tesendaktep mayutsü meranga aruba Sweden linük tangbo iba telok nung züngsem kummer.

"February 2022 nungi tashi ajak amshia Ukraine amakba ajanga 2022 küm mitkar dak sen indoktsü telemeteba agiba nung kongshi, kechiaser Russia-i tashiyim amshitsü ya mapang talangka nungi arendaka bilema aru. Taoba mapang Eastern bloc nung aliba linük aikati 2014 küm nungi mitkar tsütsü sen indokba anasü agi timba akum, kechiaser iba küm Russia-i Crimea amak," ta SIPRI indang Military Expenditure and Arms Production Programme nung researcher Lorenzo Scarazzato-i ashi.

2022 küm Ukraine nung mitkar dak sen indokba trokben agi timba kuma sen billion \$44 indok, aser ibaji Ukraine nung küm ka nung mitkar dak sen indokba record aliba rongnung timtiba alitsü, ta SIPRI data ajanga ashir.

Gross domestic product (GDP) indang shilem ka ama 2022 küm mitkar dak sen indokba shilem 34 akum aser 2021 küm shilem 3.2 liasü.

2022 küm Russia nung mitkar dak shilem 9.2 agi timba sen billion \$86.4 shi indok, ta SIPRI ajanga ashir. Ibaji Russia indang 2022 GDP shilem 4.1 den sako lir, kong 2021 küm shilem 3.7 liasü.

Alima nung mitkar dak sen timtiba indokba linükji United States ya lir, kong 2022 küm shilem 0.7 agi tali sen billion \$877 indok - koba alima nung mitkar dak sen indokba shilem 39 alitsü. Ibai talisa Ukraine nem mitkar tsütsü senotsü teyari agütsüba ajanga lir, ta SIPRI nungi Nan Tian-i ashi.

(Maneni tapak 8 nung...)

Office of the Longmisa Senso Mungdang P.O.Mokochung-798601. B.P.O. Longmisa Mokochung :Nagaland.

TENÜNGSANG AGÜTSÜR



Dr. Markangla Jamir



Dr. Tialila Longchar

1. Dr. Markangla Jamir, D/o Mr. Imkumtemsu Jamir aser Mrs. Rangneu Hrgui. Iai Nagaland University kubok Education Department nung thesis topic "A study on Vocational interest and parental influence on career choices of Adolescents in Nagaland" dak ajemdaker Doctor of Philosophy (Ph. D) in Education nung takok tajung angu aser

2. Dr. Tialila Longchar, D/o Mr. Er. Mangyangemba Longchar aser Mrs. Rongsensongla Imchen. Lai Nagaland University kubok Education Department nung "Astudy on the Problems faced by B.Ed. Colleges Cooperating School in Relation to Internship." Thesis topic nung ajemdaker Doctor of Philosophy (Ph.D) in Education tokok angu.

Tarutsü anogotem nunga maneni nena nem takok moajang ta LSM-i sarasademtsür.

Sd/- Yashiramok Ao President LSM

Sd/- Watitoshi G. Secretary. LSM

SÜKU LEMSATEPER



ASO : 24-09-1995

ASÜ : 15-04-2023

Ozüi teti meima aliba tanur asür Imnatoshi, (Mr. L.Chuba Jamir-er jabaso), ajungben lendong ajurua taküm tembanger shisa-rama mulung zürep nüktzü mangyim mulungku tia nung alidang, onok asoshi khuret benja temeim sarasadem, nübu aser mapang den ali rongsen tenla jenti agi lokti aser kija kibong shirnokisa yariogo, ozü kinunger ajaki kangasa pelar. Tsüngremi nenok ano tali moajang ta ozü sarasadem.

Ajak dak alaka item lokti aser kija ya metetshi melitet nung nenok mapa tajung mulungnena pelaba lemsateper;

1. Longjang Baptist Arogo aser department balala,
2. Mongsen Gospel Telok,
3. International Prayer Center Khutak,
4. Longpa Village Council,
5. Süngratsü Village Council,
6. Asangma Village Council,
7. Molungkimong Village Council & VDB,
8. Govt. Polytechnic Sedem Tuensang,
9. Longjang Senso Telongjem Mokochung,
10. Dimapur Longjanglar Telongjem,
11. Longjang Lanur Tata Yangalar Telongjem,
12. Longjang Jamir Kidong Telongjem,
13. 4 Buba Zünga Longjang,
14. Longjang Medemsanger Putu Menden,
15. Shri. T.N. Manen IAS (Retired), Advisor Law & Justice Land Revenue Govt. of Nagaland.

~ Tsürabur, adianu aser kinungertem.

Bangladesh tir inyaksü Shahabuddin-i tenangzüktep agiogo

Dhaka, Rongchii/April 24

(Agencies): Bangladesh tir mapa abentsü atema obendanger mapa nungi anener alisang Shahabuddin Chuppu tenangzüktepba agiogo, pai Abdul Hamid melenogo aser küm pongu atema iba mapa abentsü. Parliamentary Speaker Shirin Sharmin Choudhury-i achaayanga Hombarnü

Bangabhaban presidential palace, Dhaka nung Shahabuddin iba mapa asoshi tenangzüktepba agiogo. Shahabuddin ya Bangladesh tir 22buba kümogo. Hombarnü tenangzüktepba agiba sentong ya state meyong Bangladesh Television aser tanga private broadcasters temi live sayua liasü.

Chuppu shiba tang linük

yimsü süa aliba Awami League (AL) party-i nominate süa liasü, pa February 13 nü tetokteper shinga melei shim, kechiyong tir mapa atema candidate kati danga nomination file masü.

Menden 350 agi kümteba national parliament nung AL party pur züngsem 302 lir aser tir atema candidate yoktsü asoshi tanga party ka dak danga tashi

mali. Tenangzüktepba agiba sülen tir tasenbai tir tejenba Hamid nem tenüngsang agüja liasü. Bangladesh nung Hamid kija-i tir mapa ya küm ter tashi benogo. Linük temzüng ozüing kübok tir election ya küm pongu term atemtsü anogo 60 nungi 90 anunga lia agitsü asoshi tetuyuba agüja lir.

Chuppu ya 1949 küm Bangladeshi anütoktiplen Pabna jila nung aso aser obendanger ama inyaka arur 2006 küm mapa nungi anena liasü. Pa ya 1971 küm linük nüjiso asoshi rarar rongnung densema liasü aser pai 2011 nungi 2016 tashi linük nung Anti-Corruption Commission indang commissioner mapa benogo.

Mkg. nung U-20 pur Football asaya tetoktepba akar



Mokokchung nung Moanungsang Memorial Sporting Club-i aser Revenanat FC, Mokokchung sentepa ayongzüka 1buba U-20 Revenant Football Running Trophy tenzük dang tetushi tejaoker Asstt. Director Food & Civil supply Mokokchung Wb Jamonger-i ball metsüokja tournament tenzüksü dang tangokba noksa yangi angur.

Mokokchung, Rongchii/ April 24 (TYO): Tanü Imkongmeren Sports Complex Mokokchung nung Moanungsang Memorial Sporting Club aser Revenanat FC, Mokokchung sentepa ayongzüka 1buba U-20 Revenant Football Running Trophy tenzükogo.

Iba Trophy nung team ajak agi 16-i shilem agidar aser iba trophy ya April 27 nü tembangsü. Mokokchung nung Under Football Trophy ayongzüka akaba ya tang mezüngbuba asütsü aser iba trophy nung shilem agir team ajak tanga tournament nung ama saka lanurtem football

asaya nung ajungmesotsü tangatetba nung registration sen magi-i dang asayadaksüdag.

Tanü iba trophy tenzükba sentong nung tetushi tejaoker Asstt. Director Food & Civil supply Mokokchung Wb Jamonger-i mapang tatsüka agia jembidang nüburtem aikati tajung inyaksü bilemer saka nübur aikati bilemaka meinyaker, aji saka Moanungsang Memorial Sporting Club aser Revenanat FC, Mokokchung puri iba tournament ayongba ya tajung bilema inyakba lir ta ashi.

Jamonger-isa, lanurtem shirnokisa iba tournament nung

football asayatsü asoshi denogo, asayar ajaki tajung bilemba dang masü saka tajung inyakba lir ta asayar lanurtem ayongzüka ashi.

Nenok asayartem ajak ya lanur aser tazünger dang, anungji taküm libaliro lenla ajak nung tangar den tsüngkang medema otettsüsa liang aser takoker taküm ka süang ta Jamonger-isa lanurtem ajungshia jembi.

Sentong nungsa Dr.Lanu Walling-i tajungshi o jembi aser Zülumanen ketdangsüba nung iba sentong achayanga agiba den sentong nung Tsüngrem leniba jazüka Aongsen-i sarasadema tenzük.

Napoli-i taruba Hopta Serie A kokatoktsü akok



Rongchii/April 24, 2023 (Agencies): Deobarnü Juventus den asaya goal 1-0 agi akokba sülen Napoli-i Serie A asayamung taruba hopta kokatoktsü akok.

Napoli puri tesüsa Diego Maradona captain sür asayaba mapang Seria A koka lir aser Seria A takok marok ajungkettsü ya koma ka asütsü ta captain Giovanni Di Lorenzo-i bilem tenzük alitsü.

"Iba indang bilemba ya balaka lir. Maradona sülen takok marnok ajungketba mezüngbuba captain ni asütsü. Iba anogo ya kanga jangarademsüka asütsü," ta Di Lorenzo-i ashi.

Deobarnü asaya nung mapang apuloktsür asayaba

mapang Giacomo Raspadori-i goal ka idakja asaya akokba sülen Napoli pur tanabuba jenjang nung aliba Lazio dang nungi point 17 agi timba kümogo. Kasa mapang nung Lazio pur Honibarnü kidang Torino-i goal 1-0 agi akokba ajanga jenjang mejungi aküm.

Taruba Honibarnü Napoli-i Salernitana kokra aser Deobarnü Inter Milan-i Lazio nem takok magütsüra Napoli-i round trok asayatsü anunga lia Seria A kokatoktsü.

Maradona-i aniba Napoli team-i dang taoba mapang 1987 aser 1990 küm iba asayamung koka lir.

Takok angutsü anasabai aoba meteta küma Deobarnü nü goal ka idakja asaya mapang

tembangba sülen Napoli pur kanga pelatepa liasü. Iba asaya akokba ya parnok asoshi anisüngzüka liasü, kechiyong parnok tawa junga masayateti arua Champions League quarterfinals nung AC Milan puri parnok tsükdaksür liasü.

"Onok locker room nung terabo benjungtepa liasü, kechiyong iba asaya akokba ajanga onok nükjidong atongtsü anasaba kümdaksü," ta Lorenzo-i ashi.

Asaya nung Juventus pur goal idaktsütsü atema merangdanga aliba mapang Raspadori ya shingaia menüki liasü aser Elif Elmas-i agütsüba ball ka kanga junga agizüka pai goal idaktsü.

Asaya nung Napoli puri mezüngbuba shilem nung target nung goal ka danga memetsütet aser parnok atema kanga tia ka Juventus atema Angel Di Maria-i goal ka idaktsüba referee-i magi kümdaksü, kechiyong goal midaktsü tsüngda Stanislav Lobotka dak offensive foul ka mena.

Kasa mapang nung Juventus pur Lazio sülen tasembuba jenjang nung lir.

Sports ministry-i IOA dang WFI achaayangtsü

atema ad-hoc panel ka tentettsütsü tuyu

Rongchii/April 24, 2023

(Agencies): Union Sports Ministry-i tentettsüba Oversight Committee (OC)-i bushisüngdanba sülen ngutetba tongtibang onüktem rongnung Prevention of Sexual Harassment Act kübok internal complaints committee ka tenteta maliba ya lir, ta Hombarnü metetdaksü.

MC Mary Kom tekolak ser OC-i, India nung wrestler temi Wrestling Federation of India (WFI) tir, Brij Bhushan Sharan Singh aser tanga ketdangsürtem nem sexual harassment ken o benokba bushisüngdanga liasü.

Ministry-i Hombarnü Indian Olympic Association (IOA) tir PT Usha dangi shiti ka yokogo aser ashiba agi OC-i parnok indang report ministry nem agütsüogo aser tang asadangdar.

Ajisüka bushisüngdanga sülen, Prevention of Sexual Harassment Act, 2013 kübok Internal Complaints Committee ka tenteta maliba aser grievance redressal atema asayartem nem tangazükba agütsütsü asoshi inyakyim tapet maliba ngutetogo.

Iba den ano asayartem densema federation aser stakeholder tem tsüngda tongtepratep tali akatsü nüngdakba nguteta liasü.

Nüngtugu wrestler Bajrang Punia, Vinesh Phogat aser Sakshi Malik nungeri anir Deobarnü nungi ano longkak ait tenzükogo. Sports ministry-i jenjang tapet magiba atema parnoki ministry aitsüogo aser Delhi police dang wrestler teneti Hokolbarnü tashishiba benokba dak ajemdaker tangsa tang FIR benoktsü aser Singh anema jenjang tapet agitsü takhangba agütsüogo.

Ministry-i Hombarnü ashiba agi, bushisüngdang report agütsüba sülen OC inyaksangshi mesüi kümogo.

Ministry-isa IOA dang panel tentetba sülen anogo 45 tsüngda WFI election agitsü atema transitory mesüra ad-hoc committee ka tentettsü asoshi asüngdangogo.

"WFI indang EC atema election May 7, 2023 nü agitsü liasü. Iba dak sendakba nung tensa apir election inakyim ya magi kümdaktsütsüla aser EC atema election ya neutral body/returning officer ka lenisba nung election agishitsüla," ta ministry-i ashi.

Iba ad-hoc committee yagi asayartem shimba aser international asayamungtem atema parnok tenüng benokba densema WFI inyakyim ajak EC tasenbai mapa magizük tashi achaayanga atatsü.

Alima nung mitkar... (Tapak 7 nungi...)

2022 küm US-i Ukraine nem mitkar yaritsü asoshi sen billion \$19.9 agüja lir, ta ashir.

Alima nung mitkar dak sen timtiba indokba linüktem rongnung China ya tanabuba jenjang nung lir, kechiaser iba linüki 2022 küm sen billion \$292 shi indok. Ibai 2021 dang shilem 4.2 agi timba lir aser küm 28 buba maneni tali indoker alitsü.

Japan nung 2022 küm mitkar dak sen billion \$46 indok, koba 2021 dang shilem 5.9 agi timba alitsü aser Japan-i 1960 nungi mitkar dak sen indokba timtiba alitsü, ta SIPRI ajanga ashi.

Asia aser Oceania nung mitkar dak sen indokba nung Japan aser China timba lir aser linük ana ya senteper sen billion \$575 indok. SIPRI ajanga ashiba agi, iba region nung mitkar dak sen indokba ya 1989 nungi timba indoka arur.

East Asia nung pei sasa yimsü asüba Taiwan asetkong mechi tensa mejungi arur, koba Beijing-i par litsü ama züngshir. China-isa South China Sea ajunga amai par indang ta kibur kuma jembir, koba tzüyim ajanga shishilempaba lenmang tongtipang ka lir, aser iba tzüyim shilem kar Philippines, Vietnam aser Malaysia densema linük balalai kibur ama jembir.

Japan aser China tsüngta Senkaku mesüra Diaoyu Islands mechi mangatetep adoka lir, koba Taiwan northeast tsütsü lir.

Tokyo ya Northern Territories mechi Moscow den mapang talangka nungi mangatetep nung lir, koba Hokkaido northeast tsütsü lir aser World War II tatemlen Soviet Union-i sapanga liasü. Russia-i item asetkong dang Kuril Islands ta ajar.

BILEMDANGANG
"Temeim agi dang tesembatep koktettsü."